



Տ. Տ. ՎԱԶԳԷՆ Ա ԿԱԹՈՂԻԿՈՍ ԱՄԵՆԱՅՆ ՀԱՅՈՑ



Հ Ա Ն Գ Ի Ս Տ

**ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա.
ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ**

Այսու խոր վշտով հայտնում ենք, որ սույն թվականի օգոստոսի 18-ին, հինգշաբթի օրը, առավոտյան ժամը 7.15-ին, Երևանի Հայրապետական իր առանձնատանը, 86-ամյա հասակում, երկարատև և ծանր հիվանդությունից հետո, վախճանվեց Ն. Ա. Օ. Տ. Տ. Վազգեն Առաջին Ամենայն Հայոց Կաթողիկոսը:

Նորին Սուրբ Օծությունը ծնվել է 1908 թ. սեպտեմբերի 20-ին Բուխարեատում (Ռուսիան), որտեղ իր համալսարանական կրթությունն ստանալուց հետո, 1943 թ., ձեռնադրվել է կուսակրոն հոգևորական՝ ծառայելու Ռուսիայի հայոց թեմում: 1951 թ. ստացել է եպիսկոպոսական աստիճան որպես թեմակալ առաջնորդ: 1955 թվականին ընտրվել և օծվել է Ամենայն Հայոց Կաթողիկոս՝ հաջորդելով Գևորգ Զ Ամենայն Հայոց Կաթողիկոսին:

Հանգուցյալ Հայրապետը շուրջ մեկ քառասնամյակ իմաստությամբ և մեծ նվիրումով հովվել է Հայաստանյայց Առաքելական Սուրբ Եկեղեցին: Իր հովվապետության չորս տասնամյակների ընթացքում շինարար կաթողիկոսը ներքուստ և արտաքուստ բարեգարդեց Հայ Եկեղեցին, պատրաստեց Հայ Եկեղեցու բազում հոգևոր սպասավորներ, ամրապնդեց Էկումենիկ կապերը քույր Եկեղեցիների հետ, իր հովվապետական այցելություններով եկեղեցական կենտրոններ ու արտասահմանյան թեմեր սերտացրեց փոխադարձ կապերը մաշր հայրենիքի և սփյուռքի հայ հավատացյալների միջև՝ ձեռք բերելով միջազգային ճանաչում և հեղինակություն:

1994 թ. հուլիսի 28-ին Հայաստանի Հանրապետության նախագահի հրամանագրով հայ ժողովրդի ազգային արժեքների պահպանության ու զարգացման գործում դրսևորած անձնուրաց նվիրումի և մատուցած բացառիկ ծառայությունների համար Նորին Սրբությանը շնորհվեց Հայաստանի ազգային հերոսի բարձրագույն կոչում:

Հայոց Հայրապետի մահվան տխուր առիթով Մաշր Աթոռի միաբանությունը հայտարարում է քառասնօրյա սուգ՝ սկսած օգոստոսի 19-ից:

Հիշատակն արդարոց օրհնությամբ եղիցի:

ԴԻՎԱՆ ՄԱՅՐ ԱԹՈՒ Ա. ԷԶՄԻԱԾՆԻ